

¡BOMBA!

De Dubái, todo iracundo,
quiere ultrarrico salirse;
dice “ya es hora de irse”,
pero no existe otro mundo



K'intsil

Jueves 5 de marzo de 2026

CAMPECHE · YUCATÁN · QUINTANA ROO · AÑO 11 · NÚMERO 2677 · www.lajornadamaya.mx



Boonil: Cortesía Galería 2mun2

Ookol jsúut boon

Tu winalil noviembre máaniko', jach tu k'iinil domingo 23, tu kolonial México tu noj kaajil Jo'e, úuch ookol ti' ka'ap'ee'el naj. Jump'ee'el ti' le je'elo'obo', j-úuch tu gáaleriail 2mun2, ti'alinta'an tumen j-áartista Ariel Guzmán, yéetel uláak' jump'ee'le' tu kúuchil London House Academy, jo'olbesa'an tumen James Bidlake-Corser.

K'aabéet u ya'alpajale, ka'ap'ee'el kúuchile' ti' yaan yóok'ol le miismo bejo' yéetel taak'alo'ob. Beey túuno', ookol beeta'abe', tu beetaj u náats'al j-áartsita yéetel máax jo'olbesik le uláak' kúuchilo', yáaxe, yóok'olal xaak'alo'ob yanchaj u beeta'al tumen jpoliso'ob. Le beetike', ich xaak'alo'obe', tu ka'atúulalo'ob tu chúunso'ob u meyajil Britfest

2026, jump'ee'el e'esajil its'at yaan ba'al u yil yéetel britaanikoil chíikulalo'ob, tu gáaleriail 2mun2.

Beyxan, tu jo'olj úuchuk ookole', Ariel Guzmán' tu beetaj jump'ee'el boon jóok' yóok'olal le ba'ax j-úucho'. Ts'ooke', kex le boona' ma' táakbesa'an ich e'esajil jts'a'ab k'ajóoltbil le semaana máaniko', láayli' ku chíikbesik yaayaj ool yéetel uláak' ba'axo'ob tu taasaj. U k'aaba' boone' Robbery on sunday (Ookol tu k'iinil domingo).

Beey túuno', le semana máaniko', je'eb u joolnajil Britfest 2026, e'esajil jts'a'ab tu kúuchil jboon Ariel Guzmán. Tu yáak'abil úuchik u je'ebel u joolnaj e'esajile', paaxnaj Concorde HiFi.

E'esajile' ku chíikbesik jejeláas oochelo'ob e'esik

u chíikulalo'ob britanikoil miatsil, u ya'abile' le yanchaj tu sigloil XX. Chíika'an u yóol máaxo'ob meyajt le boono'obo'.

Meyajo'ob ku yila'ale', ku ye'esik jaytúul ti' le máaxo'ob k'ajóolta'ano'ob Gran Bretaña, ichil poliitika yéetel ich kaaj, je'el bix Winston Churchill, Margaret Thatcher beyxan Lady Diana, Sherlock Holmes, Ofelia (le ku jóok'ol ich Shakespeare) yéetel u ba'alche'ilo'ob u graanjal Orwell; beyxan jpaaxo'ob John Lennon, Ozzy Osbourne yéetel Mick Jagger, ichil uláak'o'ob.

U gáaleriail 2mun2 je'ek'ab lunes tak sábado, 10 tak 14 hrs, yéetel yaan u p'a'atal ka'ap'ee'el wi'inalo'ob.

ÓSCAR MUÑOZ / P 18